



Kárášjoga gielda Karasjok kommune

Kárášjoga skuvla karasjok skole

Kárášjoga skuvlla váhnemiidda
Til foresatte ved Karasjok skole

Diehtujuohkinčálus fárrema birra, oadjebas skuvlageaidnu ja boradeapmi AÁF:as

1. Fárren

Gosa: Niitonjargii, skuvlabráhkát leat Niitohárji valáštallanvisti balddas

Áigodat: 07.02.24- 21.06.26

Kárášjoga skuvla lea fárregohtán dávviriid skuvlabráhkaide, ja gaskaboddosaš skuvla galgá leat doppe dan botta go gaikot dálá visttiid ja huksejit ođđa skuvlla. Mii fárregohtit oahpahunlanjaid 5.vahku rájes ja dalle maid lágidišgohtit oahpahusa doppe.

Fárren dáhton luohkáide lea dálá pláνας guovvamánu 7.b 2024, sáhttet bohtit rievdadusat.

Ovttasráđiid VBL:in (Váhnénráđi bargolávdegoddi) de dárbbášat mii veahki dis váhnemiin go luohkkalanjaid galgat fárret. Mii dárbbášat veahki doalvut ohppiid bevddiid, stuoluid ja girjjiid, ja oahpaheaddji beavddi ja stuolu ja eará oktasaš luohká dávviriid. Dalle dárbbášuvvo ahte dis leat stuorra billat dahje goalosvovdna. VBL ja gulahallanváhneamat leat veahkkin organiseremin fárrema. VBL jođiheaddjái áddojit dieđut ja son addá gulahallanváhneamiidda.

Go eará lanjaid galgat fárret, nugo bargiidlanjaid, AÁF:a, hálldáhusa, musihkkalanja, skuvlakievvkana ja vel mánga eará lanja. Dalle gielda ja skuvla ovttasbargá valáštallanservviguin, sii barget eaktodahtolaččat ja valáštallansearvi oažžu ruđa barggu ovddas.

2. Oadjebasat skuvlageaidnu – Váibmoguovlu ja orustansadji

Váibmoguovlu skuvlla luhtte galgá ohppiide lea sihkaris ja oadjebas skuvlageaidnu go vázzet dahje sihkelasttet. Váibmoguovlu heivehuvvo johtolakkii ja vejolašvuodaide mat leat skuvllas, ja álggahuvvojit unnit ja stuorát doaibmabijut. Okta dehálaš doaibmabidju lea fásta orustansadji gokko váhneamat guđđet/ vižžet mánáid biillain.

Doaibmabijut mat leat mearriduvvon gaskabottosaš skuvlageainnus leat:

Gaskal tii. 0800- 1500 besset dušše sii vuodjit sisa skuvllaid lusa:

- bargit, SJS oahppit, skuvlabusset, váhneamat geat bukte/ vižžet mánáid AÁF:as, gálvobillat ja sis geain lea čoahkkinišiehtadus, ja SJS guossit.
- Geahča kárttas gokko lea oanehis orustansadji jus leat čoahkkimii dahje buktimin/ viežžamin AÁF:a mánáid.

Earát bisánit orustansadji jus lea buktimin/ viežžamin ohppiid biillain, ja ávžžuhat vuodjit birra Deanugeidnui. Eai leat jorgalansajit. Geahča kárttas gokko lea orustansadji.





Kárašjoga gielda Karasjok kommune

Kárašjoga skuvla karasjok skole

Oadjebas skuvlageaidnu- Mo sáhtát don dego váhnen váikkuhit?

Mo lea du vierut;

- Dárbbášat go don doalvut ja viežžat skuvlla luhtte?
- Sáhttá go du mánná vázzit/ sihkkelasttit okta dahje earáiguin ovtta?
- Sáhttát go ovtta bargat eará váhneiguin – vuorrolagaid doalvut/ viežžat?
- Sáhttá go du bargosaji luhtte vázzit/ boahit maŋŋil skuvllas?



Oaneheamos skuvlageaidnu ii leat álo mii lea eanemus oadjebas skuvlageaidnu. Čájet gokko du mánná sáhttá vázzit ja sihkkelasttit, ja nu leat váikkuheamen ahte lea oadjebas ja buorre skuvlageaidnu buohkaide.

Gielda lea buoridan ja guhkidan vázzin- ja sihkkelasttingeainnu skuvllaid luhtte Niitonjárggas. Ja leat stuorra jersey-geađggit gaskal biillageainnu ja vázzingeainnu. Iđđedis gaskal tii 0810-0820, lea bearráigeahčču guhtte veahkeha ohppiid rasttildit luotta orunstansaji luhtte. .

Eanet dieđut váibmosona birra: <https://www.tryggtrafikk.no/opplaering/skole/hjertesone/>

3.AÁF – boradeapmi ja juhkamuš

Niesti AÁF:as vuossárggaid, gaskavahkuid ja bearjadagaid

Čujuhat gielddastivrra mearrádussii mii dahkkui 14.12.23, mearriduvvui ahte dan botta go leat gaskabottosaš skuvlavisttiin de oahppit váldet mielde niesti AÁF:ii. Mii leat fárreagohtán biergasiid dán vahkus. Gaskavahku ođđajagimánu 17.b rájes váldet oahppit niesti mielde AÁF:ii, mii oasttit mielkku juhkamuššan.

09.01.24

Ustitlaš dearvuodát

May-Britt H. Balto

Ovttadatjođiheaddji/ rektor